

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Avannaata kitaatigut aqqutit ammarpata (Nord Vest Passagen) umiarsuarujussuit orsiaatit allallumi tamaana ingerlaalernissaat eqqarsaatigalugu, uumasut miluumasut ullumikkut upernaraangat najortagaat eqqissisimatitaaffiat, umiarsuit pajuttaatit aqqutigilerpassuk Naalakkersuisut qanoq periuseqarniarpat aammalu pilersaaruteqarpat?**

(Inatsisartunut ilaasortaq Isak Johannessen, Naleraq)

Tunngavilersuutit:

Ullutsinni nunatsinni killilersugaanerpaat ilagivaat qilalukkat qernertat, taakkuuppulli nunatta avannaanut upernaakkut aasarsioritortartut, ukialeraangallu kujammut aallartartut.

Nunat arlallit maanna oqaluuserilermassuk Nordvestpassagen aqqutigineqarsinnaangussasoq, Kalaallit Nunaallu piniarnermut aalisarnermullu tunngatillugu nunatut pingaaruteqarmat, Naalakkersuisut erseqqissumik nassuiaasariaqarput Nordvestpassagen umiarsuit ingerlaarfigisinnaasaannut ammarneqarpat, tamanna uumasunut aalisakkanullu pisassanut killeqareersunut qanoq kinguneqassanersoq.

Eqqartorneqartarpoq Nordvest passagen silap kissakkiartornera pissutaalluni ungasinngittumi ammarumaartoq, tamassuma pilernissaanut Naalakkersuisut qanoq pilersaaruteqarnersut paaserusunnarpoq.

Kalaallit Nunaat piniartarfiullunilu aalisarfiummat Naalakkersuisut erseqqissumik nassuiaasariaqarput umiarsuarpassuit ikaartarfikkut ingerlasinnaalerpata, tamanna piniakkanut aalisakkanullu killilerneqareersunut qanoq kinguneqarumaarnersoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.